

ZAPISNIK SA 44. SJEDNICE UO SAMOSTALNOG SINDIKATA RADNIKA U BHRT-u, KOJA JE ODRŽANA U UTORAK 24.07.2018. GODINE

Prisutni: D.Smital; E. Čengić; Dž. Kahrica; N. Arnautović; G.Brkić; M.Grbo; D.Miljević; E. Fočo; M. K. Pašalić

Odsutni: S.Topalić; N.Hodžić; N. Žuga; M.Herac; E.Agić; B.Hamzagić; O.Bukić; M. Baručija; – opravdano

Gost: M. Helać

Dnevni red:

1. Zapisnik sa 43. sjednice
2. Aktuelna situacija u BHRT-u
3. Finansije (D. Karšić)
4. Sindikalni izlet (Dž. Kahrica, E. Čengić)
5. Ugovori
 - Adriatic
 - Reumal
6. Dodjela pomoći (G. Brkić, M. Grbo)
7. Razno

AD 1. D.Smital je u 12.50 sati na osnovu člana 35. Statuta Samostalnog sindikata radnika u BHRT-u, otvorio 44. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 43. redovne sjednice je jednoglasno usvojen.

AD 2. UO Samostalnog sindikata radnika u BHRT-u je 12.07.2018.godine jednoglasno usvojio saopštenje u vezi istupa urednika IP BHT-a g-dina Radoje a koje je objavljeno u javnosti. U skladu sa poslovnikom konsultacije su obavljene e-mailom i telefonski.

17.07.2018.godine rukovodstvo sindikata je održalo sastanak sa generalnim direktorom i pomoćnicom za razvoj na kome je dobijena informacija da se sistematizacija radi. Još uvijek nije poznato kada će se produžiti ugovor sa EP BiH i navodno postoji politička volja da se taj ugovor produži, a sindikat nije dobio nikakvu konkretnu informaciju.

Postavljeno je pitanje u vezi slučaja Radoja i sindikat je dobio informaciju da je urednik IP BHT-a na bolovanju i da će se provesti pravna procedura u skladu sa zakonom.

Dogovoren je sastanak u vezi problema na reportažnim kolima, a koji je održan neposredno prije sjednice sindikata u 11 sati. 18.07.2018.godine UO Sindikata je objavio reakciju na sjednicu UO BHRT-a za koji je glasalo 14 ZA, 1 PROTIV, a 2 člana UO nisu glasala.

D.Smital je izvjestio UO Sindikata da je neposredno prije sjednice održan sastanak u vezi problema na reportažnim kolima sa generalnim direktorom i pomoćnicom za razvoj. Iznio je da je prije sastanka dogovoreno da neko od kolega sa reportažnih kola da uvodno izlaganje. U ime kolega to je učinio Mirsad Helać u uvodnom izlaganju koje je trajalo oko 20 minuta. Kolege su iznijele sljedeće probleme: oboljenja koja su posljedica rada u BHRT-u, napadi na ekipe na terenima, HTZ oprema, prevoz tj. Službena vozila, smještaj na terenu, problem prostora za ENG ekipe, napredovanje, problem putne akontacije na terenima, monitoring na reportažnim kolima za koji je sindikat već upozoravao menadžment i ACC za reportažna kola.

Dogovoreno je sa menadžmentom da se skrene pažnja producentima na odluku koja je donesena za rad na terenu i da su producenti, kao odgovorne osobe dužne da povuku ekipu u slučaju opasnosti i napada na ekipu. Kada je u pitanju HTZ oprema, menadžment će dostaviti sindikatu prijedlog nabavke opreme u raspoloživom finansijskom okviru. Što se tiče vozila, rečeno je da su nabavljene tri lade za PEP i da će se za rad na terenu, u slučaju potrebe, iznajmljivati vozila za prevoz ekipa.

Kada je u pitanju smještaj (jednokrevetne/dvokrevetne sobe), zaključeno je da se svi jednako tretiraju u situacijama kada je to moguće uraditi. Kako je rečeno na sastanku, ne bi trebao biti problem ACC za reportažna kola.

Nakon kraće rasprave, UO Sindikata je zaključio da se traži akontacija za nepredviđene troškove službenog puta (kvar vozila i sl.) koju bi pravdala odgovorna osoba na terenu. Ovaj zaključak je jednoglasno usvojen.

M. Kurtović Pašalić je postavila pitanje o vrsti oboljenja radnika o kojima se govorilo na sastanku. M.Helać je istakao da je imao više pitanja koja nije mogao iznijeti, odnosno da mu se nije omogućilo da ih iznese na sastanku. D. Smital je pročitao dio uvodnog obraćanja M. Helaća u kome se govorilo o kojoj

vrsti oboljenja se radi. M.Kurtović Pašalić je istakla problem klime u multimedijalnom desku zbog kojeg je većina kolega na bolovanju. D.Smital je predložio zaključak da M.Kurtović Pašalić, zajedno sa S.Topalić usaglasi prijedlog sa kojim će se ići na rješavanje ovog problema. Zaključak je usvojen jednoglasno.

E.Čengić je predložio da se uputi zahtjev za izmjenu Pravilnika o platama u vezi prazničnih sati jer su na ovakav način svi oni koji rade po dispoziciji i u turnusima diskriminirani. Nakon kraće rasprave, zaključak UO Sindikata je da se obavi razgovor sa pomoćnicom generalnog direktora za finansije u vezi ovog pitanja i nakon toga da se uputi zahtjev menadžmentu. Zaključak je usvojen jednoglasno.

AD 3. Blagajnički izvještaj za juni 2018. godine je primljen k znanju.

AD 4. Dž. Kahrca je upoznao UO sindikata o razgovorima koje je zajedno sa E.Čengićem obavio u vezi sa održavanjem sindikalnog izleta, napominjući da je u obzir uzet i datum kada bi dio uposlenika iz RTV produkcije i sportskog programa bio slobodan, obzirom da je pauza u Premijer ligi BiH u fudbalu. Nakon kraće rasprave, zaključak UO Sindikata je da se sindikalni izlet organizuje u Baš bašći u nedjelju 09.09.2018.godine. Ovaj zaključak je jednoglasno usvojen.

AD 5. Adriatic izvještaj za juni 2018 je primljen k znanju.

Po ugovoru sa Reumalom evidentiran je jedan odlazak člana sindikata koji je na licu mjesta platio u skladu sa ugovornim popustom.

E.Čengić je predložio da sindikat napravi sporazum sa menadžmentom vezan za rehabilitaciju svih uposlenika koji su oboljeli od srčanih i moždanih udara, a sindikat može ponuditi i aktuelni ugovor koji ima sa Reumalom, dok bi troškove rehabilitacije snosio BHRT. Ovaj prijedlog je jednoglasno usvojen.

AD 6. Komisija za dodjelu finansijske pomoći (G.Brkić, M.Grbo) predložila je da novčanu pomoć za mjesec maj dobiju sljedeći članovi; Danijel Lepir (III dio) 300 KM, Diša Karšić 300 KM, Adnan Teskeredžić 500KM, Samir Macić 400KM, Ramiza Tahirović 200KM, Jasmin Pehadžić 200KM. Ukupno: 1900 KM. Poklon bon DM 200KM Aleksandar Babić. Ukupno 2100 KM. Prijedlog komisije je jednoglasno usvojen.

AD 7. D.Smital je predložio da se o prijedlogu za parking obavi rasprava po dolasku kolegice M.Herac sa godišnjeg odmora, koja je i zadužena za ovu inicijativu. Ovaj prijedlog je jednoglasno usvojen.

44.sjednica je završena u 13.48. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital